



DEO OPTIMO MAX.  
UNI ET TRINO,

VIRGINI DEIPARÆ, ET S. LUCE,  
Orthodoxorum Medicorum Patrono.

QUÆSTIO MEDICA.

QUODLIBETARIIS DISPUTATIONIBUS;  
*manè discutienda, in Scholis Medicorum, die Martis decimā-  
septimā mensis Decembris, Anno Domini M. DCC. XLIII.*

M. THOMA-RENATO GASNIER,  
Doctore Medico, Præside.

I.

*An incipienti Pleuritidi aliquando Emeticum?*



ERICULOSIS affectibus pleuritidem annumerare ne addubi-  
tes; in eo si quidem inharet lateri lethalis arundo: eorum quos mi-  
sit ad plures vix reperias numerum: nullus in hominum vitam in-  
vadit frequentius; morbus est omnium anni temporum; Hyeme  
grassatur & Æstate, Vere & Autumno, frequentius tamen Hyeme, &  
Ver inter & Æstatem; cuilibet familiaris regioni: siue sis Colchus  
an Assyrius, Thebis nutritus an Argis, perinde illi obnoxius es; æquo pulsat pede

maſculum & ſcœminam, juvenem & ſenem, licèt huic ut plurimùm ſit lethalis ob-  
virium infirmitatem, illi verò maximè periculofus propter mali vehementiam: Pleu-  
ritidis duplicem conſtituerunt ſpeciem, non à materiâ nec à cauſâ morbi, ſed à  
parte laborante ſumpto diſcrimine; veram dixerunt, inflammationem membranæ  
coſtas ſuccingentis, plevram vocant; ſpuriam verò, quæ muſculis meſo-plevriis in-  
ſidet; quemlibet lateris dolorem pro Pleuritide habere errare eſt; afficiunt tho-  
racem dolores atrociffimi, à quibus abeſt febris, respiratio ſtat facilis, pulſusque  
permanet æqualis, hos ſanè Pleuritides appellaveris immeritò; horum enim ſigna  
ut & cauſæ ſunt diverſa: at legitimæ & nothæ Pleuritidis cauſæ, ſigna, ſymp-  
tomata ferè ſunt eadem; in illâ tamen graviora ſunt omnia, in hac verò remiſ-  
ſiora; non enim adeò urget febris acuta, quæ utrique eſt aſſidua, respiratio nec  
tam difficilis, eſti crebra & parva, & latere petitus imò ſpiritus, pulſus nec ita  
durus & tenſus, licèt inæqualis & frequens, dolor lateris non æquè pungens &  
diſtendens, ſed preſſione & decubitu excandescens, quod in verâ Pleuritide mi-  
nimè accidit, quia morbus internus; unde decubitus in latus ægrum facilis, in  
ſanum verò maximè moleſtus & gravis; deorſum enim propendens tumor, pon-  
dere membranam diſtendit & dilacerat.

## I I.

**A**PTE ſi curare volueris, morborum nihil te fallat origo, & caveas pro Ju-  
none nubem corripere; ſœlix ſanè qui potuit malorum cognoscere cauſas,  
quas caliginofâ premit nocte, non ſolùm natura, ſed & ſyſtematum Logodæda-  
leorum ſarrago mirabilis, ſingendique & opinandi eſſetœnata libido. In morbis hic  
ſuum commendat Archæum, quem iratum enixè ſtudet placare, furentem mul-  
cere, territum confirmare; at quis hæc Chimæras ſpectraque volitantia non dice-  
ret? Ille toto crepat ore fibrarum corrugationes, criſpaturas, Erethiſmum. Hæc  
autem omnia morborum effectus, non cauſas quis non videat? Fœtus non paren-  
tes? Opera, non opifices? Quid enim habent quod non acceperint à fluidis ſolida  
ſeu fibra? Quorſum igitur iis tantùm arrogare? Qui in venis & arteriis lauda-  
bilis eſt ſanguis, dum purus liberè fluit, nullique non aptus uſui, ſi momento  
moveri deſinat, vitium capit, ſitque rudis & indigeſta moles, morbos tantùm ap-  
ta producere; in his quidem vitiari ſolida lubens fatebor, ſed vitium à fluidis mu-  
tuari, Fabio vel Judice vincâm: Reclamas? Miror equidem! Exemplo ſit Pleuri-  
tis; hanc ſanè non aptiùs, quàm ab inſpiſſatâ ſanguinis diatheſi, aut quorum-  
dam, ex quibus conſtat humoribus repetes; ſive enim frigore à balneo,  
refrigeratione à violento motu, aëre & potatione frigidiore, ſerum madaſci-  
enda plevræ dicatur ſeu perſpirationis materies lentorem & craſſitiem ſolitò ma-  
jorem acquirant, hinc tùm inſarctum & dilatationem plevræ vaſculorum, tùm vi-  
cinatorum ſanguinis vaſorum compreſſionem, tùm demum ipſius moram, quin &  
effluxum, proximum inflammationis auctorem, facilè deduces. Non igitur Pleuri-  
tidem committant tonica vaſorum *ſtriſtura*, coarctatio ſpaſmodica, fortior villo-  
rum elater, fibrarum occallatio crebrior, petulans, nec reorum delicta fluidorum  
luat immerita ſolidorum vis ſyſtaltica, cùm quicquid habet vitii, fluidis acceptum  
referat.

## I I I.

**M**ORBOS pleroſque à morbis diſcernere difficilè quidem: ſed eorum cau-  
ſas, ut plurimùm, intricatas evolvere, & in apricum proferre adhuc diffi-  
ciliùs: nec niſi verè Medico datur. Hic in cauſâ proximâ diagnoſi non quieſcit

3

otiosus, sed ulterius & ad fontem mali progreditur. Hinc affectus specie prorsus similes, re & origine diversos distinguit; nam mobilis est & varia malorum natura. Nec morbum curare contentus, illius causam subducere satagit. In Pleuritide pleura inflammatorio tumore tentatur; hic venæ sectionem repetitam dubiò procul postulat: ad hæc attendat Medicus necesse est; sed præterea quis modus inflammationis, quæ sanguinis crasis, quale illius vitium, æstimanda; & si quidem viscidus & crassus sanguis tumorem produxerit, si stomacho tumultum lenta ferat pituita, si ille vinoque ciboque fervet, si corpus hesternis onustum vitii unâ prægravat animum, atque humo affigit divinæ auræ particulam, hæc sanè Emeticum indicant, quicquid in contrarium clamitent nonnulli; illud in his casibus periculosum esse fuge suspicari; hoc primarum viarum educet saburram, summi mali materiam, quæ infirmo capiti, quin & pectori fluet utilis, utilis alvo; quippe illa pondus est noxium, quo sublato proficiet sui compos-natura, frænis remotis.

## I V.

**D**E Anacatharsi equidem quid malè cogitas, quæ malum altis defixum radicibus evellit & eradicat? Quid times, cæco ductus præiudicio, turbas & procellas à remedio motos componente fluctus? Quid vereris irritationem à medicamine mali irritamenta subducente? At, ais, benigniora etiam vomitoria sitim, calores, tormina, & sexcenta alia solent movere? Ab his sanguinis motus intenditur? Esto hæc locum habeant in iis, quibus siccum ardet jecur, & inquietis bilis inæstuat præcordiis, quorum sanguis fervidus ad excandescentiam pronus. At in morbis à lymphâ inspissatâ, & sero redundante oriundis, in quibus mollis est pituita, ut aliquando evenit in Pleuritide, mala quando copia ægrum sollicitat stomachum, & primas inquinavit vias, fonte hoc derivata clades in pectus fluit, tùm in Emetico stat tutissima salutis anchora, omnemque, prælibatis venæ sectionibus, paginam adimplet. Analogissimum desideras? In dysenteria, quàm Pleuritidi valdè affinem quidam observarunt, sæviunt dolores atrocissimi, adsunt fibrarum tensiones, vellicationes, contractiones, quæ omnia vomitorio, radice nempe brasiliensi, semel adhibito, sæpenumerò sedantur, compescuntur: hac ratione Kermes minerale, remedium non quidem novum, sed quod, cùm aliquandiu, nescio quo fato, quasi obsoletum fuerit, nuper à quibusdam renovatum est, & Regis liberalitate vulgatum, in Pleuritide & peripneumoniâ prudenter usurpatum, etiam circa initia mira præstat, tantum valet in morbis vis Emetica,

## V.

**Q**UI Medicum se profitetur morbum curare debet, non neglectâ causâ, quâ sublatâ sæpe sæpius hic tollitur, aut si superfit facilius debellatur, profligatur. Si Pleuritidem cum sædâ ventris proluvie conjunctam advertas, si morbum peperit cibus imperfectus & ardenti hærens stomacho, in hoc educendo una manet salus; sed quid istas auferet luxuriæ sordes? Huic scopo collimare si velis, & optatam studes metam contingere, propera saginis laxare stomachum, ut crudi ponant succi pericula, & libitinam evadat æger; hunc in finem Emetico nihil præstantius, hoc primam eruet mali labem; primis ergo temporibus (nam in festinatione securitas, nec cunctando in Pleuritide rem restitues) celebratis aliquibus venæ sectionibus, si audacem in illo præscribendâ te præstitoris; innumera avertens symptomata omne feres punctum, & metuenda pelles pericula; alioquin multa renascuntur, quæ sanguinis missione cecidère, sopitique ignes suscitabuntur.

4

Nec te ab hoc instituto deterreat antiquitas, mendosa Hippocratis interpretatione; occaecata: (a) *Concolita purgare & movere oportet, non cruda, neque in principiis, nisi turgiant; raro autem turgent.* Turgent igitur aliquando, & tunc, teste Hippocrate, movenda sunt incipiente morbo; sed quò maximè vergunt ducenda, & per loca convenientia, ut nihil invitâ facias Minervâ: hoc Artis opus, dùm naturam obsequentem reperit, parataque omnia, morbi auspicatos contundit impetus; sed in iis dijudicandis cautus sis; in acutis enim *judicium difficile, experimentum periculosum*: hæc non sunt tyronis & imperiti, cui nasus nullus est, nec discipulo Philippi committenda; sed majoribus curanda Medicis nempe exercitatis, qui cernant acutum, & sapientibus; nam medendi rectè sapere est fons & principium.

(a) Hippocr. aph. 22. sect. 1.

*Ergò incipienti Pleuritidi aliquando emeticum.*

### DOMINI DOCTORES DISPUTATURI.

M. Franciscus - David Herissant.

M. Antonius Bergier.

M. Joannes-Franciscus Iser.

M. Carolus-Franciscus Bontigny  
des Preaux.

M. Ludovicus-Petrus le Hoc.

M. Antonius-Nicolaus Guenault.

M. Jacobus-Franciscus le Chat  
de la Sourdiere.

M. Petrus Lalouette.

M. Petrus-Jacobus Malouin, è  
Regiâ Scientiarum Academiâ.

Proponebat Parisiis, PETRUS CHEVALIER, Rhedonæus, Saluberrimæ Facultatis Medicinæ Parisiensis Baccalaureus, A. R. S. H. 1743,  
à sextâ ad meridiem.